

naknadno će se objaviti u "Službenim novinama Kantona Sarajevo".

Broj 01-49-1631/08
29. maja 2008. godine
Sarajevo

Predsjedavajući
Općinskog vijeća
Muhamed Alaim, s. r.

Ova Odluka je objavljena na oglasnoj ploči Općine Centar Sarajevo 30. 5. 2008. godine.

Na osnovu člana 10. Statuta Općine Centar Sarajevo-Prečišćeni tekst ("Službene novine Kantona Sarajevo", broj 23/04), te člana 41. Poslovnika Općinskog vijeća Centar Sarajevo-Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo je, na Tridesetostroj redovnoj sjednici održanoj 29. maja 2008. godine, donijelo

ODLUKU

O IMENOVANJU ČLANA KOMISIJE ZA MJESNE ZAJEDNICE I SARADNJU SA OPĆINAMA I GRADOVIMA

Član 1.

Imenuje se član Komisije za mjesne zajednice i saradnju sa općinama i gradovima, ESAD LEKIĆ.

Član 2.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-49-1632/08
29. maja 2008. godine
Sarajevo

Predsjedavajući
Općinskog vijeća
Muhamed Alaim, s. r.

Ova Odluka je objavljena na oglasnoj ploči Općine Centar Sarajevo 30. 5. 2008. godine.

Na osnovu člana 29. Zakona o lokalnoj samoupravi ("Službene novine Kantona Sarajevo", broj 22/00) i člana 10. Statuta Općine Centar Sarajevo-Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo je, na Tridesetostroj redovnoj sjednici održanoj 29. maja 2008. godine, donijelo

ODLUKU

O RAZRJEŠENJU ČLANOVA KOMISIJE ZA JAVNA PRIZNANJA I OBILJEŽAVANJE HISTORIJSKIH DOGAĐAJA I LIČNOSTI

Član 1.

Razrješavaju se članovi Komisije za javna priznanja i obilježavanje historijskih događaja i ličnosti: predsjednik Komisije EDIN ŠIKALO, zamjenik predsjednika Komisije IZUDIN FILIPOVIĆ, BOŽIDAR ŽAN, SMILJA ŠHOVIĆ, ŠEVALA DIZDAREVIĆ, BEJTO KAČAR I SUAD ZIJADIĆ.

Član 2.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-49-1643/08
29. maja 2008. godine
Sarajevo

Predsjedavajući
Općinskog vijeća
Muhamed Alaim, s. r.

Ova Odluka je objavljena na oglasnoj ploči Općine Centar Sarajevo 30. 5. 2008. godine.

Na osnovu člana 47. Zakona o prostornom uređenju ("Službene novine Kantona Sarajevo", broj 7/05), člana 29. Zakona o lokalnoj samoupravi - Prečišćeni tekst ("Službene

novine Kantona Sarajevo", broj 22/00) i čl. 10. i 68. Statuta Općine Centar Sarajevo-Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo je, na Tridesetostroj redovnoj sjednici održanoj 29. maja 2008. godine, donijelo

URBANISTIČKI PROJEKT "VELIKI PARK"

Član 1.

Donosi se Urbanistički projekt "Veliki park" (u daljnjem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

1. Uvod

2. Postojeće stanje

2.1. Prirodni uslovi

- 2.1.1. Geomorfološke karakteristike terena
- 2.1.2. Inženjersko-geološke karakteristike terena
- 2.1.3. Hidrogeološke karakteristike terena
- 2.1.4. Stabilnost terena
- 2.1.5. Klimatske karakteristike

2.2. Stvoreni uslovi

- 2.2.1. Historijski razvoj Velikog parka
- 2.2.2. Sadašnje stanje Velikog parka
- 2.2.3. Opremljenost lokaliteta saobraćajnom i komunalnom infrastrukturom

3. Odnos prema planu višeg reda

4. Plansko opredjeljenje

- 4.1. Obrazloženje prostornog uređenja
- 4.2. Rekapitulacija ukupnih veličina

Odluku o provođenju Plana

Grafički dio sadrži:

Faza urbanizam, prezentirana na odgovarajućem broju tematskih karata:

- 1. Izvod iz Urbanističkog plana Grada Sarajeva 1986.-2015. MJ 1:5000
- 2. Izvod iz Programa razvoja gradskog jezgra Sarajeva
- 3. Ažurna geodetska podloga MJ 1:500
- 4. Postojeće stanje MJ 1:500
- 5. Namjena površina. MJ 1:500
- 6. Arhitektonsko-urbanističko rješenje. MJ 1:500
- 7. Uređenje prostora oko spomen-obilježja
 - izabrani konkursni rad MJ 1:250
- 8. Detalji urbanog mobilijara MJ 1:50
- 9. Detalji fontana-spomenik MJ 1:50
 - Idejno rješenje saobraćaja
 - Idejni projekt-Snabdijevanje vodom i odvodnja oborinskih i otpadnih voda
 - Idejni projekt-Elektroenergetika i javna rasvjeta
 - Idejni projekt-Toplifikacija - gasifikacija
 - Idejni projekt hortikulture
 - Idejno tehničko rješenje TK mreže
 - Analitička obrada građevinskih parcela

Član 3.

Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Centar Sarajevo i Zavodu za planiranje razvoja Kantona Sarajevo.

Član 4.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a

naknadno će se objaviti u "Službenim novinama Kantona Sarajevo".

Broj 01-23-4257/08
29. maja 2008. godine
Sarajevo

Predsjedavajući
Općinskog vijeća
Muhamed Alaim, s. r.

Ova Odluka je objavljena na oglasnoj ploči Općine Centar Sarajevo 30. 5. 2008. godine.

Na osnovu člana 47. Zakona o prostornom uređenju ("Službene novine Kantona Sarajevo", broj 7/05), člana 29. Zakona o lokalnoj samoupravi - Prečišćeni tekst ("Službene novine Kantona Sarajevo", broj 22/00) i čl. 10. i 68. Statuta Općine Centar Sarajevo-Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo je, na Tridesetosmoj redovnoj sjednici održanoj 29. maja 2008. godine, donijelo

ODLUKU

O PROVOĐENJU URBANISTIČKOG PROJEKTA "VELIKI PARK"

Član 1.

Ovom Odlukom uređuje se provođenje Urbanističkog projekta "Veliki park" (u daljnjem tekstu: Plan), a naročito granice prostorne cjeline, urbanističko-tehnički uslovi za izgradnju spomen-obilježja, uslovi za uređenje šetnice uz ulicu Maršala Tita, te uslovi za uređenje, održavanje i mjere zaštite parkovskih površina sa stazama.

Član 2.

Granica obuhvata Urbanističkog projekta Veliki park polazi od tromede parcele k.č. 1683, 1684 i 2117 - ulica Mustafe Golubića, ide u pravcu juga idući međama parcela k.č. 1684, 1688, 1689, 1690 (ne obuhvata ih) i dolazi do tačke broj 1 koja se nalazi na medi između parcela k.č. 1690 i 1683 a ima koordinate $y = 6533983$, $x = 4857400$, zatim nastavlja u istom pravcu sijekuci u pravoj liniji parcelu k.č. 1683 i dolazi do tačke broj 2 sa koordinatama $y = 6533987$, $x = 4857388$ a nalazi se na medi između parcela k.č. 1683 i 1693, granica se potom lomi na zapad, te jug idući međama parcela k.č. 1683 i 1704 - ulica Trampina (obuhvata ih) i dolazi u tačku broj 3 koja se nalazi na medi između parcela k.č. 1701 i 1702, a ima koordinate $y = 6533938$, $x = 4857363$, zatim nastavlja na jug sijekuci u pravoj liniji parcelu k.č. 1702 (ide granicom objekta). Granica obuhvata nastavlja u istom pravcu idući međom parcele k.č. 1704 - ulica Trampina (obuhvata je) i izlazi na ulicu Maršala Tita k.č. 2119/1 do tačke broj 4 koja se nalazi na pomenutoj ulici, a ima koordinate $y = 6533947$, $x = 4857256$, lomi se idući na zapad ulicom Maršala Tita k.č. 2119/1 i dolazi do tromede parcela k.č. 2119/1 - ulica Maršala Tita, 2117 i 1683 odakle produžava na sjeveroistok idući ulicom Mustafe Golubića k.č. 2117 koju ne obuhvata i dolazi do tromede odnosno do mjesta odakle je opis granice i počeo.

Sve pomenute parcele se nalaze u K.O. Sarajevo IV, Općina Centar.

Površina obuhvata iznosi 3,05 ha.

Član 3.

Namjena površina:

A/ Parkovske površine	22.872 m ²
B/ Pješačke staze	3.750 m ²
C/ Šetnica uz Titovu	2.798 m ²
D/ Spomen-obilježje	80 m ²
E/ Saobraćajna površina	1.000 m ²

Član 4.

Uređenje zemljišta se mora izvesti u obimu i na način kako je to predviđeno Planom.

Član 5.

Urbanističko-tehnički uslovi za postavljanje spomen-obilježja i šetnice uz ulicu Maršala Tita:

- Položaj i oblikovanje spomen-obilježja izvesti prema autorskom radu koji je rezultat javnog anonimnog, projektnog jednostepenog konkursa funkcionalne cjeline parka sa spomen-obilježajem svoj djeci opkoljenog Sarajeva 1992.-1995. na mikrolokaciji postojeće fontane, raspisanog od strane Grada Sarajeva, a koje je implementirano u strukturu Urbanističkog projekta.
- Uređenje šetnice uz ulicu Maršala Tita izvesti prema autorskom radu koji je rezultat konkursa iz prethodnog stava, implementiranog u strukturu Urbanističkog projekta, a koji se sastoji od:
 - Postavka kamenih ploča sive boje - (jablanički granit) i bijele boje (hreša)
 - Postavka klupa sa dodatnim urbanim mobilijarom
 - Uređenje rasvjete
 - Sadnja ukrasnog drveća na šetnici
 - Sadnja zaštitnog ukrasnog rastinja u pojasu prema ulici Maršala Tita

Član 6.

U okviru izrade rekonstrukcije parkovskih površina neophodno je izvesti:

- rekonstrukciju staza i rigola
- rekonstrukciju stepeništa
- rekonstrukciju travnjaka
- sanaciju svih zidova uz ulice Koševo i Tina Ujevića
- sanaciju škarpe prema zgradama u Trampinoj ulici izvršiti sadnjom

Član 7.

Tokom izrade Glavnog projekta rekonstrukcije parkovske površine, odrediće se vrsta obrade šetnih staza unutar parka, kao i definisanje i odabir urbanog mobilijara.

Član 8.

Provođenje stručne njege i zaštite izuzetno značajne i vrijedne vegetacije Velikog parka, mora biti kontinuirano, od strane stručnih službi nadležnih komunalnih institucija.

Član 9.

Grmlje koje je locirano na starim mezarima treba dislocirati u skladu sa Idejnim projektom hortikulture.

Član 10.

Dva para oglednih šehidskih nišana s uzglavnim i donožnim nišanom, treba ukloniti iz Velikog parka.

Član 11.

Izgradnja i uređenje zelenih površina vrši se u skladu sa prethodno pribavljenom (odgovarajućom) dokumentacijom urađenom na osnovu Idejnog projekta hortikulture, koja je sastavni dio Plana.

Član 12.

Obzirom na kulturno-historijski i prirodni značaj ovog parkovskog kompleksa, a prema Elaboratu zaštite kulturno-historijskog i prirodnog naslijeđa za Urbanistički projekt "Veliki park", neophodno je preduzeti sljedeće mjere zaštite:

- Zabraniti sve građevinske intervencije koje bi mogle uticati na smanjenje ove parkovske površine koja je ostala ista od postanka do danas.
- Izvršiti fitopatološku analizu vegetacije od strane stručnog tima sa Instituta Šumarskog fakulteta Univerziteta u Sarajevu kako bi se utvrdilo stanje svakog pojedinačnog stabla. Na osnovu dobivenih rezultata fitopatološke analize odmah pristupiti sanaciji oštećenih stabala kako bi se spasila od daljnjeg propadanja odnosno

kako bi se očuvala. Stabla zahvaćena procesom truleži u prvoj i drugoj fazi mogu biti lako sačuvana i sa malim konzervatorskim zahvatima, dok stabla kod kojih je proces truleži u završnoj fazi zahtijevaju veće i teže zahvate kako bi ostala sačuvana. Fitopatološka analiza treba dati smjernice za stabla zahvaćena imelom kao i za dekapirana stabla.

- Kresanje i rezivanje suhих i oštećenih grana vršiti uz stručni nadzor uz korištenje hemijske zaštite nakon postupka rezivanja.
- Izvršiti vadenje svih panjeva zaostalih od ranijih sječa.
- Izvršiti potpuno vadenje iz korijena sadašnjeg postojećeg grmlja oko i pored nišana kako zbog stabilnosti i uočljivosti nišana, tako i zbog lošeg kvaliteta sadašnjeg stanja ukrasnog grmlja.
- Ukoliko se fitopatološkom analizom ustanovi da su neka oštećenja na stablima takve prirode da se mora izvršiti sječa, neophodno je na mjestu svakog posječenog stabla izvršiti sadnju sadnicama istovjetne vrste koja bude posječena.

Član 13.

Arhitektonsko-urbanističko uređenje Velikog parka, uzimajući u obzir evidentirane kulturno-historijske i prirodne vrijednosti na osnovu kojih je Veliki park valorizovan kao spomenik prve spomeničke kategorije, zadržava kolski saobraćaj u postojećem stanju. Međutim kako je za izradu Plana polazna osnova Program razvoja gradskog jezgra Sarajeva, koji podrazumijeva planiranje novih saobraćajnica, Trampine ulice i trase Đenetića ulice - D. Ozme- Alipašina ulica (tunel koji prolazi

kroz park), ova problematika će biti predmet razmatranja u narednom periodu, kroz izmjene i dopune Urbanističkog plana Grada Sarajeva, kao i na nivou studijskih razmatranja i kompleksnih studija u gradskom tkivu.

Član 14.

Izgradnja i postavljanje objekata privremenog karaktera može se odobriti samo za potrebe objekata komunalne infrastrukture i saobraćajnica koji su u funkciji gradilišta unutar obuhvata ovog Plana i koji se moraju ukloniti nakon završetka radova.

Član 15.

Nivelete pješačkih saobraćajnica moraju biti isprojektovane i izvedene prema Uredbi o urbanističko-tehničkim uslovima, prostornim standardima i normativima za otklanjanje i sprječavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedska pomagala ("Službene novine Kantona Sarajevo", broj 5/00).

Član 16.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-23-4258/08
29. maja 2008. godine
Sarajevo

Predsjedavajući
Općinskog vijeća
Muhamed Alaim, s. r.

Ova Odluka je objavljena na oglasnoj ploči Općine Centar Sarajevo 30. 5. 2008. godine.

